

Isumaginnittoqarfiup aqunneqarnera aaqqissuussaanelu pillugit Inatsisartut peqqussutaata nr. 11. 12 november 2001-meersup allangortinneqarnissaa pillugu Inatsisartut inatsisaat nr. xx yy 2017-imeersoq

(Isumaginninnermi Naammagittaalliuuteqartarfiup sulianik ingerlatsinerata naammassiuminarsagaanera)

(Isumaginninnermut, Ilaqutariinnermut, Naligiissitaanermut Inatsisinillu Atuutsitsinnermut Naalakkersuisoq)

Akissuteqaat

(Isumaginninnermut, Ilaqutariinnermut, Naligiissitaanermut Inatsisinillu Atuutsitsinnermut Naalakkersuisoq)

Aappassaaneerpeqarnera

Naalakkersuisut Ilaqutariinnermut Peqqissutsimullu ataatsimiititaliamut peqqissaartumik Isumaginninnermi Naammagittaalliuuteqartarfiup sulianik ingerlatsinerata naammassiuminarsagaanissaanut siunnersuummut suliaqarsimanerannut qujassuteqarput.

Naalakkersuisut nuannaarutigaat ataatsimiititaliamit isumaqatigiissumit siunnersuut tapersersorneqarmat.

Siunnersuutip Inatsisartuni siullermeerneqarnerani partiit oqaaseqartartuisa arlallit siunnersuutip naammagittaalliuuteqartarfiup inuttassaasa amerlassusissaannut, sulianut ilisimasalinnik katitigaaneranut Kalaallit Nunaannilu pissutsinut ilisimasaqarnissamut tunngasunik aalajangersakkanut eqqasuuteqarnertik oqaatigaat.

Partiit oqaaseqartartuisa oqaaseqaataat Naalakkersuisut tusaatissatut tigugaat. Oqaaseqartartut nalunaarutaannut tulluurtumik Naalakkersuisut aappassaaneerinninnissamut allannguutissatut siunnersuummik saqqummiussipput.

Naalakkersuisut inassutigaat siunnersuut akuersissutigineqassasoq.